



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Epistola V. Ioannis Papae XX. Ad Episcopvm Olomvcensem. De decimis in regno Bohemiae & comitatu Lucemburgensi per triennium Ioanni regi persoluendis.

urn:nbn:de:hbz:466:1-15653

do , vniuersis & singulis districtius inhibemus , ne quisquam dictos articulos per nos (vt præmittitur) damnos , & etiam reprobatos , vel contenta in eis vel aliquo ipsorum , vtpote a catholicis mentibus respuenda , tene-re audeat seu defensare quomodolibet , vel docere . Quocirca vniuersitati vestrae per apostolica scripta districte præcipiendo mandamus , quatenus vniuersi & singuli vestrum in ciuitatibus & diecesibus vestris , conuocato cle-ro communiter , præmissa omnia & singula per vos seu a- lios solenniter publicetis . Nos etiam eidem magistro Io-anni mandauiimus , quod ipse in scholis & in sermone Parisitus prædictos articulos & contenta in eis , tamquam veritati contraria , propriæ vocis oraculo , & assevera-tione constanti publice debeat reuocare : quod se factu-rum dictus magister Ioannes efficaciter repromisit . Da-tum Auinione VIII. Kalendas Augosti , pontificatus nostri anno quinto .

• E P I S T O L A V.

I O A N N I S P A P Æ X X.

AD EPISCOPVM OLOMVCENSEM.

De decimis in regno Bohemiæ & comitatu Lucembur-gensi per triennium Ioanni regi persoluendis .

Ioannes episcopus , seruus seruorum Dei , venerabili fratri episco-po Olomucensi , & dilectis filiis , Brunouensi , & sanctæ Ma-riæ , Lucemburgensis , Pragensis & Trenirensis diœcесium , monasteriorum abbatibus , salutem & apostolicam benedictio-nem .

NUPER carissimus in Christo filius noster , Ioannes rex Bohemiæ illustris , per speciales nuntios suos ad nostram præsentiam destinatos , in nostra & fratrum nostrorum præsentia fecit exponi , quod ipse zelo fideli Christianæ succensus , ad imponenda opportuna præsidia sanctæ matris ecclesiae , quam Dominus noster Iesus Christus proprio sanguine consecravit , seque exponendum obsequiis eiusdem ecclesiae & apostolicae sedis toto aspirat affectu , per prædictos nuntios humili supplicatione de-poscens , vt ipsum in tam pio & laudabili proposito con-

Concil. Tom. 29.

C

fouentes, in subsidium negotiorum huiusmodi, propter quæ personam & bona sua quilibet est paratus exponere, decimam ecclesiasticorum prouentuū & redditum regni Bohemici, & comitatus sui Lucemburgensis, sibi ad certum tempus, pro præmissorū supportandis oneribus, concedere dignaremur. Nos ergo attendentes eximiæ deuotionis affectum, quem idem rex ad eiusdem redemptoris nostri & sanctæ sedis obsequia ardenti promptitudine deuotionis ostendit, desideriis gratis inducimur, vt eum tamquam inclytum sedis apostolicæ filium, caritatis internæ brachiis amplexantes, eius in hac parte votis, quantum cum Deo possumus, annuamus. Volentes itaque dicto regi super præmisso suo laudabilique proposito fauribus assistere opportunis, de dictorum fratrum consilio, decimam omnium ecclesiasticorum redditum & prouentuum, locorum quorumlibet ecclesiasticorum, exemptorum & non exemptorum, regni & comitatus predicatorum, ab omnibus archiepiscopis, episcopis, ceterisque personis ecclesiasticis quibuscumque, quantacunque præfulgeant dignitate, seu cuiuscumque sint præminentia, conditionis, seu status & religionis vel ordinis, quibus & eorum alicui nulla priuilegia vel indulgentias sub quacumque verborum forma vel expressione concessa volumus suffragari (præterquam a dilectis filiis, magistro & fratribus hospitalis S. Ioannis Hierosolymitani, qui contra hostes fidei Christianorum exponunt iugiter se & sua, quos propter hoc ab eiusdem præstatione decimæ exemptos & liberos fore decreuimus & immunes) eidem regi concessimus in suum subsidium vsque ad triennium exigendam, & etiam colligendam, & eidem regi assignandam. Cum itaque vos, de quorum maturitate, fidelitate, & circumspetionis industria, fiduciam gerimus in Domino specialem, ad exactiōnem huiusmodi decimæ pro dicto triennio faciendam, iuxta infra scriptum modum per ipsius * sedis ^{f. regis} prouidentiam ordinatum, duximus eligendos: discretioni vestræ per apostolica scripta mandamus, quatenus onus huiusmodi vobis impositū suscipientes, & exequentes humiliter ac deuote, vos vel duo, aut unus vestrum per vos, vel alium seu alios, quos ad hoc duxerimus depuantos, de omnibus fructibus, redditibus, & prouenti-

bus ecclesiasticis dictarum personarum ecclesiasticarum, secularium, regularium, exemptarum & non exemptarum, in dictis regno & comitatu consistentium, videlicet ecclesiarum, monasteriorum, & beneficiorum quæ habent & obtinent in regno & comitatu praedictis, secundum modum & morem ac consuetudinem in exactione & collectione huiusmodi hactenus obseruatos, quolibet anno dicti triennii in subscriptis terminis leuetis & etiam exigatis decimam supradictam. Siquidem solutionis medietatis decimæ semianni terminum primum fore statuimus festum nativitatis dominicæ primo venturum, secundum vero terminum festum Pentecostes, dictum festum nativitatis dominicæ proxime sequuturum: in aliis duobus annis sequentibus circa solutionem huiusmodi decimæ praedictis terminis obseruandis. Ad solutionem vero eiusdem decimæ, quo scumque exemptos & non exemptos, ipsius decimæ debitores in dictis regno & comitatu consistentes, per censuram ecclesiasticam, ac etiam per sequestrationem fructuum, redditum, & prouentuum ecclesiastorum suorum, consistentium in eisdem regno & comitatu (ut præmittitur) si expedire videritis, appellatione postposita, compellendo. Itaque quod ad fructus, redditus & prouentus alios eorumdem extra regnum comitatumque praedicta consistentes, huiusmodi compulsionis officium nullatenus extendatis: nec ad exactiōnem huiusmodi faciendam in aliquo casu per vos, vel alium seu alios, inuocetis auxilium brachii secularis, nisi praedictorū non soluentium contumacia exigente aliud circa hoc per sedem eamdem fuerit ordinatum. Et ne de moneta, in qua praedictæ decimæ solutio fiet & fieri debet, valeat hæsitari, & ut vitentur grauamina quæ propter hoc viris ecclesiasticis interdum confueuerunt inferri, volumus quod per vos & singulos vestrum, & alios subcollectores vestros, ipsa decima ad monetam currentem communiter leuetur, ac etiam exigatur, iuxta constitutionem super hæc editam in Concilio Viennensi: ita quod prætextu alicuius concubii debitores & solutores dictæ decimæ non grauentur. Illam tamen eamdemque monetam, quam recipietis, vel recipi facietis, dicto regi, seu certo nuntio teneamini assignare, huiusmodi decimam exigetis, & exigi facietis secun-

Concil. Tom. 29.

C ii

dum taxationē ha&etenus factam in ciuitatibus, dioecesibus
atque locis regni & comitatus prædictorum: vbi nulla hu-
iusmodi certa taxatio fuerit, secundum consuetudinem in
exactione & collectione dictæ decimæ faciatis, absque ali-
quo onere expensarū eorum a quibus huiusmodi eorum
defectu expensas fieri oporteret: ad quarum restitutionē
eos teneri volumus & astringi. Quodque circa hanc con-
stitutionem eiusdem Viennensis Concilii obseruantes, &
calices, libros & alia ornamenta ecclesiarum, diuinis offi-
ciis deputata, ex causa pignoris vel distractionis capere,
recipere, distrahere, seu quomodolibet occupare, per vos
vel alios minime præsumetis. Non obstatibus quibuscum-
que priuilegiis, indulgentiis, vel gratiis eisdem personis ec-
clesiaстicis, vel earum alicui, aut dignitatibus seu ordinibus
earumdem, & specialiter Cisterciensis, Præmonstratensis,
Cluniacensis, Cartusiensis, Grandimontensis, vel eorum
vniversitatibus aut personis singularibus sub quacumque
verborum forma vel expressione ab eadem sede concessis;
etiam si contineatur in eis, quod de ipsorū totis tenoribus
seruatim ac de verbo ad verbum plenam & expressam seu
explicitam quamcumque in nostris literis fieri oporteat
mentionem, & qualibet alia ipsius sedis indulgentia gene-
rali vel speciali, cuiuscumque tenoris, formæ velexpres-
sionis existat: per quam de verbo ad verbum præsentibus
non insertā, aut nominatim & singulariter non expressā,
effectus earum non impediri valeat quomodolibet, vel
differri. Volumus insuper, quod vos & quilibet vestrum
omnium reddituum & prouentuum ecclesiasticorū vestro-
rum decimam a vobismet ipsis fideliter & integre exigatis:
ita quod nullus vestrum circa hoc sibi indulgeat, sed
secum in hac parte procedat, ac si tali officio in extraneo
fungeretur, sic quod vnuſquisque vestrum in scriptis re-
digifaciat, quidquid prædicta decima de prouentibus suis
ecclesiasticis exegerit a seipso: exactionem vero huiusmo-
di iuxta taxationem decimæ, sicut eam consueuistis ha&etenus
soluere de dictis vestris prouentibus, facietis: alioquin
in exactione huiusmodi seruabitis consuetudinem ha&etenus
in similibus solitam obseruari: ac nihilo minus in per-
sonas illorum ex vobis, vel vicariorum vestrorum, & alio-
rum quorumcumque, qui de mandato nostro ad col-

lectionem exactionemque huiusmodi fuerint deputati, quiq[ue] defecerint in solutione dictæ decimæ in terminis supradictis, vel in collectione & exactione huiusmodi fraudem forsitan vel malitiam adhibuerint, excommunicationis sententiam auctoritate præsentium promulgamus: a qua post satisfactionem debitam per aliquem ex vicinioribus episcopis, excommunicationis sententia non ligatum, gratiam & communionem apostolicæ sedis habentem, facta sibi fide de satisfactione huiusmodi, possint absolutionis beneficium obtinere. Datum Auinione Kalendis Iunii, pontificatus nostri anno nono.

E P I S T O L A VI.

I O A N N I S P A P Æ XX.

AD EPISCOPVM PRAGENSEM.

De processu Ioannis papæ contra Ludouicum regem
Romanorum.

*Ioannes episcopus, seruus seruorum Dei, venerabili fratri episcopo
Pragensi, salutem & apostolicam benedictionem.*

Ad obuiandum damnandis Ludouici olim Bauariæ ducis, excommunicati hæretici & schismatici ausib[us], & fidelium partium Alemanniæ periculis imminentibus occurrentum, pridem certum processum de fratum nostrorum consilio, præsente multitudine copiosa fidelium, habuimus; cuius tenor sequitur in hæc verba. *Ioannes episcopus, seruus seruorum Dei, ad certitudinem præsentium, & memoriam futurorum.* Dudum peruersis & damnandis Ludouici olim Bauariæ ducis, & discorditer in regem Romanorum (sicut dicebatur) eleæti, conatibus, quem adeo ambitio cæca succenderat, quod eius electione per sanctā Romanam ecclesiam (ad quam cuiuscumque in regem Romanum eleæti, & electionis de ipso factæ approbatio & admissio, vel reprobatio vel repulsio pertinere dinoscitur) non admissa, nec eius approbata persona, nomen & titulum regium usurpare præsumpsit temere, seque immiscere administrationi regni & imperii, ac hæreticis & rebellibus fauorem, auxilium & consilium contra sanctam ecclesiam impertiri, volentes remediis salubribus obuiare, eumdem Ludouicum per nostrum editum publicum, cum

Bulla Ioannis papæ XX. contra Ludouicū imperato-rem.

C iij